

FRAGILITE AN DUD YAOUANC

Var eun ton rigolo

Ni boa eur hogue yaouanc oa duman guenem-ni
Oa comanset do gana, mes brema na ra mui
Eun nosvez goude e goan, o tont eur zonz ne ben
Me a renk mont en noz man, var digare pourmen.

Me renk ober eur hale, eun droyat var ar mez
Da glask e merh Perina, digant an intañvez
Pe guir on hanvet coguik, gant oll dud ar vro ma
Me garfe caout eur bole, vit nem zivertissa.

Pa meus tapet an hano, a goguik vit partaj
Vo ret din caout parrez, da gomans ma menaj
Perin merh an intañvez, bounez a zo dam grad
Kannerez a danserez, brillant e daou lagad.

Bonsoir dehu intañvez, setu me deut exprez
Da glask ho merh Perina, da hanter tieguez
Rag keit a ma vemp yaouanc, or ho contantamant
A plujadur asambles, ep chagrin na tourmant.

Ma merh me zo abredic eur blavez hoaz
Mar de contant ar buguel, me na ranket a gaz
Kousket eo en e guele er pen dan traon an ti
Monet a ran de havet, da houlet diganti.

Arsa ma merch emizi, na din me levered
A houi zo contant paouric, da gavet eur pried
Berroh kaffet an amzer, breman epad an anv
A loma doh o kuele, goude pa zeui ar goanv.

O ya va mam emezi, certain me zo contant
Demeus a greis ma halon, da gaout eur pot yaouanc
Mar dai caner a danser, ac eur pot delicat
Neuze a meus esperans, d'ober tieguez mad.

Neuze ar pot yaouanc man, a zo jaous a guie
Ac a zistroas d'ar guer, hed an hend'neur gane
Penos eta yan goguic, te zo bet o vale
Eun tam mout divezat, o hanons comp an de.

Neuze zistroas ouzin, gant eun air da hoarzin
Mar de guir on me koguic, houi so eur louara fin
Houi pefe eur vadelez da vont breman ractal
Da anons ma dimezi, betec ar presbital.

Ar hoarz var ma muzellou, pa non ket vit miret
Ya va mignon emezan, me rei ze na reket
Monet a ran evidoh, betec ar presbital
Rac merh an intañvez, evidoh ne ket fal.

Bonjour doh autrou person, me a zo deut gant prez
Da hout a houi zimete, eur hok ac eur bole
Pere o deus dezir braz, da vea unisset
Eun tamic a zo dija, o deus en em choezet.

Neuze a respontas din, ive neur vous hoarzin
Deus aman ebars er zal, kemer eur bane guin
Eroët ezout bepred, eun tamic de kevyer
A teus klevet jamais, ve dimezet ar yer.

Ezkuzit autrou person, mar meus drouc parlatet
Malheur eo dandud yaouanc, pere zo leshanvet
A re a barlantan doh, a zo daou zen yaouanc
A zezir be unisset, vel diou galon gontant.

A re a barlantan doh, zo mal a fumelen
A zezir be staguet, gant ar memez chaden
Unan ane triveh vla, an hini all pemzec
Zo pel zo braz en hirvoud, hortoz be dimezet.

Ma et dar guer ma mignon, lar de dont dan iliz
A me o interrojo, var dera a hatekis
Pa orgoulet digante, a na ouient netra
Demeus ar zacamanchou, a re brinsipalla.

Filet dar guer bugale, evit eur bloa pe daou
Da hortoz ma pe desket, dera ar zacamanchou
Neuze zavas e ziou skoa, me a gred a zonz
Eun druez eo emezan, dimezi bugale.

Neuze a zeuont dar guer, o daou en eur ouela
Ret a vo demp emezo, donet da studia
Ret a vo demp studia, couls an de ac en noz
Mar ouefomp ket re neve, ni zesko a re goz.

Tri pe bevar miz goude, a ya an intañvez
Da gaout an autrou person, da lard dan tol evez
Rac va merh zo languissant, eun tamic zo dija
Seul vui avans e klevet, ya beped var vella.

Setu an outrou person, dezi neus lavaret
Lavarit dezo dont hoas, ac a vont dimezet
Houi a fad daou zen yaouanc, a lavar ar person
Ar oar nem gonvertissa, ep mont d'ar mission.

Ar memez tra ez int bet, dimeed ac eurenjet
Gras da vea eürs, keit a vont var er bed
Bonheur a zeziromp de, keit a von er bed ma
A goude pa vont maro, er glosr de jouissa.

FIN

CORENTIN BOUARD.

Tous droits réservés :

GUILLERMIC Yves.

CHANSON NEVEZ

BOKET AN EURET



1. Couplet

Dont a ran da houlén iscus diganéh compagneñs
Evit ma cénimp eur boket ma vemp oll assables
Mar plich ganéh dont dam selou en enor dan daou den yaouane
A zo bed eureujet hirie deus toat ar zaerament.

2. Couplet

Beza zo eïste tremenet a boe na voan avertisset
Na da zont betek ama evit azi-sta an euret
Pa voa n'aveur hanter zonet hac ar vreg yaouane guisket
Evit mont betek an ilis evit bez eureujet.

3. Couplet

Ar paot a enor hac ar plah a enor zo en kreis an ti
Pa deus groet o homplimant zo prest de hondui
Mes homan zo eur plah fur eur plah eleuvet mad
A deus astennet e fajou evit mont betek e zad.

4. Couplet

Rei a ra dezou eur briata deus a greis e halon
Pa deus acordet dezi e venediction
Dizrie a ra deus e mam pehini neus e ganet
A zo bed en risk e buez deus e lakad er bed.

5. Couplet

Rei a ra dezi eur briata an dour ne daoulagat
Petra dall diman skuil daerrou pa renkan ho kuitad
Quar me zo choajet gant Doue vit chaneh posision
Ho tond d'ho kuitad ma zud kes ai glaharet ma halon

6. couplet

Dont a ran da laret adieu da di ma mam a ma zad
Leh mar hon bed maguet sansourei hac'ive eleuvet mad
Lezet gane ma liberte dont dan ebad a dan dans
Mes breman renkan dilezi ma ol acoustumans

7. Couplet

Chom a rin gant ma labour a lezel an dançon ze
Me bedo an dud da vont brema da di Doue
Ken evit achui ar zermou deus ar fidelite
A zo entre an diou durzunel ar rest deus ho buez.

8. Couplet

Na pa hai barz er quer ma hai roël ar boket
Da verh hena deus an ti man zo hirie eureujet
Ar verh hena deus an ti man zo eureujet hirie
A neus ket ur plah er baros unan ken fur a hi.

9. Couplet

Pebeus devez kaer evidoh hirie eta greg yaouane
Partout dre leh ma tremenfet ver dech obeissant
Deus ar parkou hac ar prajou ve guelel ar zebiant
Oll a guitafai ho labour vit mont d'ho kuelel greg yaouane.

10. Couplet

Neuzai teuyo ar varhadourien a gantai pep a baner
En neur dorhai ho daoulagat evit ma velfont scler.
Evit guelet an diou famil zo assembles unisset
Evit ober anoudegues deus ar Marhad a peu gred.

11. Couplet

Na pa velon en pesort stad nem lag ar vreg yaouane
Prest a zint dont de regali deus a sort e deveus hoant
Profitet demeus a deman ho vreg yaouane eureujet.
Ar zuaman zo evidoh mes e ben all ne vo ket.

12. Couplet

Souhaite ran deh ar yehet eve prosperite
Chanj a bonheur n'ho menaj hac union entrezai
Mes mar deu ar maro da lakad fin d'ho buez
Souhaitan dezai chanj padus en gloar an eternite.

GUILLERMIC.